

## SONNEN

En intanvéz diganpen <sup>(1)</sup>

É par réz Lan ge - dig é hes un in - tanvéz  
 iouank ; É parréz Lan ge - dig é hes un in - tan véz  
 iouank ; É parréz Lan ge - dig é hes un in - tan - véz  
 iouank ; Ha me ia d'hé gué let, o ia, p'en dé me hoant.

## I

E parréz Langedig é hes un intanvéz iouank  
 Ha me ia d'hé guélet, o, ia, p'en dé me hoant.

## II

Ha me ia d'hé guélet, o, ha tostik mat d'en ti,  
 Aweit kavet en tu de barlantal dohti.

## III

P'en da en intanvéz, o, d'en Henbont d'er marhad  
 Argand vé én hé sah eit péein bouteillad.

## IV

Argand vé én hé sah, o, eit péein bouteillad...  
 Hi ra ur sél d'en heaul, hi houlen ur hartad.

## V

Ha kuhet é en héaul, o, ha saüet é el loér  
 Mal e vou, intanvéz, konz a vonet d'er gér.

(1) Chetu amen ur sonnen hanaüet é kosté Baud. Gwerso merhat é ma saüet. Plijadur e hrei d'er ré goh kavet é *Dihunamb* lod ag er sonnenneu e gannent a pe oent ind iouank eüé.

## VI

E ha en intanvez, o, dré er fang, er vouillen,  
Kollet é hé boteu, hé houif diar hé fen.

## VII

Kollet é hé boteu, o, hé houif diar hé fen :  
Kement-sen e arriù get merhed diganpen !

(*Kañnet get Julian KOLLETER a Vertelamé.*)



## *Korn er heginerézed*

### KAUTÉRIAD PISKED

Keméret pisked a bep sord, ré hag e zou dalli dehé er guellan, (Doréenned, merlus, klopined, meilli, etc...) ha golhet ind mat. Trohet ind nezé dré bear tam. Lakeit én hou kaserolen pé én hou kautér un trohad avaleu doar ha karot trohet ; ar en trohad-sé un trohad pisked hag un trohad avaleu-doar arré, tér ouignonen, ur bar persill, un delen loré. Lañnet nezé hou kaserolen pé hou kautér get deur ha lakeit abarh un tam mat a amonen pé un hantér guérennad ivl, un nebed safran, halen ha pébr ha lausket de zariù ar é hoar épad un ér. Tranpet souben get en deur pisked ha débret hou pisked arlerh.

### MERLUS GET OUIGNON

Keméret ur merlus bihan. Trohet can a chantelleu tenaù ha lakeit can de frintein én amonen. Trohet diù ouignoñnen ha taulet ind arnehon. Lakeit eùé halen, pébr, ur banig guinègr, ur huérennad deur. Goleit hou treu ha lausket de boahein 20 minut. Gellein e hrér chervij er pisked-sé get ri tro ha tro dehé, poahet érauk é deur salet un tammig ha frinetet goudé én amonen.

*Er ganiterù louanned.*